

ოქმი

განხილვა გაიმართა თვითმმართველი ქალაქ ფოთის საბიბლიოოთევზო გაერთიანებაში 2019 წლის 23 დეკემბერს. დაწყების დრო -16 საათი, დამთავრების დრო - 17⁴⁰ საათი.

სხდომას თავმჯდომარეობდა

საკრებულოს თავმჯდომარის მოვალეობის

შემსრულებელი, თავმჯდომარის მოადგილე

აკაკი დარჯანია

განხილვას ესწრებოდნენ: ქალაქ ფოთის მუნიციპალიტეტის მერი გოჩა კურდღელია, საკრებულოს წევრები, ქალაქ ფოთის მუნიციპალიტეტის მერის მოადგილეები, ქალაქ ფოთის ქალაქ ფოთის მუნიციპალიტეტის მერის საფინანსო - საბიუჯეტო სამსახურის უფროსი - ვასილ თოდუა, საზოგადოებრივი დარბაზი, საზოგადოებრივი სათათბირო, მერის მრჩეველთა საბჭო, არასამთავრობო ორგანიზაციების, პრესისა და ტელევიზიის წარმომადგენლები, ქალაქ ფოთის მუნიციპალიტეტის საზოგადოებრიობის წარმომადგენლები.

დღის წესრიგი:

- ქალაქ ფოთის მუნიციპალიტეტის 2020 წლის ბიუჯეტის შესახებ. ქალაქ ფოთის მუნიციპალიტეტის 2020-2023 წლების პრიორიტეტების დოკუმენტი.

/მომხს: გოჩა კურდღელია - ქალაქ ფოთის მუნიციპალიტეტის მერი/

/მომხს: ვასილ თოდუა - ქალაქ ფოთის მუნიციპალიტეტის მერის საფინანსო-საბიუჯეტო სამსახურის უფროსი/

/თანამომხს: ბაქარ ერაგია - საკრებულოს სოციალურ საკითხთა კომისიის თავმჯდომარე/

/თანამომხს: მაია მაკალათია - ქალაქ ფოთის მუნიციპალიტეტის მერის ჯანმრთელობის და სოციალური დაცვის სამსახურის უფროსი/

/თანამომხს: ბექა ვაჟარაძე - საკრებულოს სივრცით - ტერიტორიული დაგეგმარების და ინფრასტრუქტურის კომისიის თავმჯდომარე/

- მოისმინეს: ქალაქ ფოთის მუნიციპალიტეტის 2020 წლის ბიუჯეტის შესახებ. ქალაქ ფოთის მუნიციპალიტეტის 2020-2023 წლების პრიორიტეტების დოკუმენტი.

/მომხს: გოჩა კურდღელია - ქალაქ ფოთის მუნიციპალიტეტის მერი/

/მომხს: ვასილ თოდუა - ქალაქ ფოთის მუნიციპალიტეტის მერის საფინანსო-საბიუჯეტო სამსახურის უფროსი/

/თანამომხს: ბაქარ ერაგია - საკრებულოს სოციალურ საკითხთა კომისიის თავმჯდომარე/

/თანამომხს: მაია მაკალათია - ქალაქ ფოთის მუნიციპალიტეტის მერის ჯანმრთელობის და სოციალური დაცვის სამსახურის უფროსი/

/თანამომხს: ბექა ვაჟარაძე - საკრებულოს სივრცით - ტერიტორიული დაგეგმარების და ინფრასტრუქტურის კომისიის თავმჯდომარე/

მერიის საფინანსო-საბიუჯეტო სამსახურის უფროსმა ვასილ თოდუამ წარმოადგინა ქალაქ ფოთის მუნიციპალიტეტის 2020 წლის ბიუჯეტის პროექტი და 2020-2023 წლების პრიორიტეტების დოკუმენტი. მომსახურებელმა აღნიშნა, რომ ქალაქ ფოთის მუნიციპალიტეტის 2020 წლის ბიუჯეტის შემოსულობები 18 581.1 ათ. ლარით განისაზღვრა და ქალაქ ფოთის მუნიციპალიტეტის ძირითად პრიორიტეტებს კვლავ ინფრასტუქტურის განვითარება, განათლების, კულტურის, რელიგია, ახალგაზრდული და სპორტული ღონისძიებების ხელშეწყობა, მოსახლეობის ჯანმრთელობის დაცვა და სოციალური უზრუნველყოფა წარმოადგენს.

საკრებულოს სოციალურ საკითხთა კომისიის თავმჯდომარემ ბაქარ ერაგიამ თავის გამოსვლაში ისაუბრა კულტურის, სპორტის, ახალგაზრდული პროგრამების ხელშეწყობის მიმართულებით 2020 წლის ბიუჯეტის პროექტში გათვალისწინებული დაფინანსების შესახებ, ამ დარგებში ახალგაზრდების წარმატებებსა და მიღწევებზე. მან აღნიშნა, რომ მნიშვნელოვან გამოწვევად რჩება სპორტის სფეროში მწვრთნელთა გადამზადება და კულტურის სფეროში ცალკეული ობიექტების ინფრასტრუქტურული პრობლემები. ყურადღება გაამახვილა აგრეთვე, მოსახლეობის ჯანდაცვისა და სოციალური უზრუნველყოფის კუთხით ახალი პროგრამების განხორციელებაზე, კერძოდ: სოციალურად დაუცველი წარმატებული სტუდენტების ფინანსური მხარდაჭერა, დაწყებითი კლასის მოსწავლეთა პროფილაქტიკური გამოკვლევა, კოხლეარული იმპლანტით მოსარგებლე ბენეფიციართა დახმარების პროგრამა, ოჯახური ძალადობის მსხვერპლთა დაცვის ღონისძიებები და სხვა. ბოლოს იგი შეეხო, სააღმზრდლო დაწესებულებებში მიმდინარე რეფორმებს, როგორც მან აღნიშნა დასასრულს უახლოვდება სკოლამდელ დაწესებულებებში გაზიფიკაციის პროცესი და ამასთან იგეგმება 2 ახალი სააღმზრდელო დაწესებულების მშენებლობა ცენტრალური ხელისუფლების დახმარებით.

ქალაქ ფოთის მუნიციპალიტეტის მერიის ჯანმრთელობის და სოციალური დაცვის სამსახურის უფროსმა მაია მაკალათიამ აღნიშნა, რომ მოსახლეობის ჯანმრთელობის დაცვის ხელშეწყობა და მათი სოციალური მომსახურება კვლავ წარმოადგენს მუნიციპალიტეტის ერთ-ერთ ძირითად პრიორიტეტს. მისი თქმით 2020 წლის ბიუჯეტში გათვალისწინებულია შემდეგი სახის პროგრამები ჯანდაცვის კუთხით: აუტიზმის დაფინანსების გაზრდა 1500 ლარამდე, ფენილკეტონურით და ცელიაკით დაავადებულთა კვებითი დანამატების უზრუნველყოფის პროგრამა, კოხლეალური იმპლანტით მოსარგებლე ბენეფიციართა დახმარება, დაწყებითი კლასის მოსწავლეთა პროფილაქტიკური გამოკვლევის პროგრამა, ონკოლოგიურ დაავადებათა გამოკვლევა და პრევენცია. ასევე ხაზი გაუსვა სოციალური დაცვის კუთხით 2020 წლის ბიუჯეტში გათვალისწინებულ პროგრამებს. როგორიცაა, სოციალური ადაპტაციისათვის სამზრუნველო ქსელის, ძალადობის მსხვერპლთა დაცვის ღონისძიებების გატარების შესახებ პროგრამას, ყრუ-მუნჯების მატერიალური დახმარების შესახებ, სოციალურად დაუცველი, წარჩინებული სტუდენტების დაფინანსების პროგრამა, უსინათლოების მატერიალური დახმარება კომუნალური გადასახადების დაფინანსების შესახებ პროგრამა და სხვა.

საკრებულოს სივრცით- ტერიტორიული დაგეგმარების და ინფრასტრუქტურის კომისიის თავმჯდომარე ბექა ვაჟარაძემ აღნიშნა, ქალაქ ფოთის მუნიციპალიტეტის ბიუჯეტის პროექტში ინფრასტრუქტურის კუთხით, ატრაქციონებისა და ტრენაჟორების შეძენა-მონტაჟისათვის გათვალისწინებულია 200.0 ათ. ლარი. თუმცა მიზანშეწონილია ამ თანხის 400.0 ათ. ლარამდე გაზრდა, იმისათვის რომ მოვიცვათ მთელი ქალაქი. როგორც მან აღნიშნა, მნიშვნელოვან პრობლემად რჩება ქალაქში მრავალსართულიანი სახლების საკანალიზაციო კომუნიკაციების რეაბილიტაციის და წვიმის საწრეტების შეკეთების საკითხი და საჭიროებს თანხების გათვალისწინებას 2020 წლის ბიუჯეტის პროექტში. ასევე სააღმზრდელო დაწესებულებებში ინფრასტრუქტურის სამუშაოების ჩატარების მიზნით თანხებია დასამატებელი. გამწვანებული ტერიტორიების მოვლა-პატრონობის მიმართულებით თანხებია გამოსაყოფი, უმეთვალყურეოდ დარჩენილი პირუტყვის იზოლირების საკითხი კვლავ მნიშვნელოვან პრობლემად რჩება. ზემოაღნიშნული შენიშვნები ასახულია საკრებულოს სივრცით- ტერიტორიული დაგეგმარების და ინფრასტრუქტურის კომისიის დასკვნაში.

ქალაქ ფოთის მუნიციპალიტეტის მერმა გოჩა კურდღელიამ გააკეთა მიმოხილვა 2019 წლის ბიუჯეტის პროექტით განხორციელებული და მიმდინარე ინფრასტრუქტურული პროექტების შესახებ და ისაუბრა 2020 წლის ბიუჯეტის ძირითად მიმართულებებსა და პრიორიტეტებზე.

აზრი გამოთქვეს: ქალაქის საზოგადოებრიობის წარმომადგენლებმა: რომან მელიამ, კორნელი სართანიამ, ომარ ხუბუნმა, ზაზა სიჭინავამ, ინგა გვასალიამ. დამსწრეთა შეკითხვები ძირითადად შეეხო ქალაქში არსებულ სოციალურ და ინფრასტრუქტურულ პრობლემებს. ქალაქ ფოთის მუნიციპალიტეტის მერმა უპასუხა დამსწრეთა შეკითხვებს.

ქალაქ ფოთის მუნიციპალიტეტის საკრებულოს თავმჯდომარის მოვალეობის შემსრულებელმა, თავმჯდომარის მოადგილემ აკაკი დარჯანიამ ისაუბრა საზოგადოებრიობის ჩართულობისა და აქტიურობის მნიშვნელობაზე ბიუჯეტის საჯარო განხილვის პროცესში. 2020 წლის მთავარ საფინანსო დოკუმენტს ქალაქ ფოთის მუნიციპალიტეტის საკრებულო უახლოეს სხდომაზე დაამტკიცებს.

დაადგინეს: მიღებულ იქნეს ცნობად ინფორმაცია ქალაქ ფოთის მუნიციპალიტეტის 2020 წლის ბიუჯეტის პროექტისა და ქალაქ ფოთის მუნიციპალიტეტის 2020-2023 წლების პრიორიტეტების დოკუმენტის შესახებ. (თან ერთვის).

საკრებულოს თავმჯდომარის მოვალეობის
შემსრულებელი, თავმჯდომარის მოადგილე

აკაკი დარჯანია